



श्री कृष्ण चालीसा

 **Temples.bio**

नीचे दिए गए यूआरएल श्री कृष्ण चालीसा का जाप करना और सुनना सीखें।

www.temples.bio/s-17

॥ दोहा ॥

बंशी शोभित कर मधुर ।
नील जलद तनु श्यामल ॥
अरुण अधर जनु बिंब फल ।
नयन कमल अभिराम ॥

पूर्णेन्दु अरविंद मुख ।
पीताम्बर शुभ सजल ॥
जय मनमोहन मदन छवि ।
कृष्णचन्द्र महाराज ॥

जय जय यदुनंदन जग वंदन ।
जय वसुदेव देवकी नंदन ॥1॥
जय यशोदा सुत नंद दुलारे ।
जय प्रभु भगतन के रखवारे ॥2॥

जय नटनागर नाग नथैया ।
कृष्ण कन्हैया धेनुं चरैया ॥3॥
पुनि नख पर प्रभु गिरिवर धरो ।
आवो दीनन कष्ट निवारो ॥4॥

बंसी मधुर अधर धारी तेरी ।
होवे पूरण मनोरथ मेरी ॥5॥
आवो हरि पुनि माखन चाखो ।
आज लाज भगतन की राखो ॥6॥

गोल कपोल चिबुक अरुणारे ।
मृदुल मुस्कान मोहिनी धारे ॥7॥

राजित राजीव नयन विशाला ।
मोर मुकुट वैजयंतीमाला ॥8॥
कुंडल श्रवण पीत पट आछे ।
कटि किंकिणि काचन काछे ॥9॥

नील जलज सुंदर तन सोहे ।
छवि लखि सुर नर मुनि मन मोहे ॥10॥
मस्तक तिलक अलक घुंघराले ।
आवो श्याम बंसुरी वाले ॥11॥

करि पी पान पूतनहि तार्यो ।
अक बक कागासुर मार्यो ॥12॥
मधुवन जलत अग्नि जब ज्वाला ।
भये शीतल लखताहि नंदलाला ॥13॥

सुरपति जब ब्रज चढ्यो रिसाई ।
मूसर धार बारि बरसाई ॥14॥
लागत लागत ब्रिज चह बहायो ।
गोवर्धन नख धरि बचायो ॥15॥

लखि यशोदा मन भ्रम अधिकाई ।
मुख मोह चौद भुवन दिखाई ॥16॥
दुष्ट कंस अति उद्धम मचायो ।
कोटि कमल कहा फूल मंगायो ॥17॥

नाथि कैयहि तब तुम लीन्हे ।
चरण चिन्ह दे निर्भय कीन्हे ॥18॥

करि गोपिन संग रास बिलासा ।
सब की पूरण करी अभिलाषा ॥19॥
केतिक महा असुर संहार्यो ।
कंसहि केश पकड़ि दीई मार्यो ॥20॥

मातु पिता की बंदि छुड़ाई ।
उग्रसेन कहं राज दिलाई ॥21॥
महि से मृतक चाहो सुत लायो ।
मातु देवकी शोक मिटायो ॥22॥

भौमासुर मुर दैत्य सहारी ।
लाये षट्दश सहस कुमारी ॥23॥
दीई भीनहि त्रिण चिरि सहारा ।
जरासिंधु राक्षस कहं मारा ॥24॥

असुर वृकासुर आदिक मार्यो ।
निज भगतन के तब कष्ट निवार्यो ॥25॥
दीन सुदामा के दुःख तार्यो ।
तंडुल तिन मुठी मुख दार्यो ॥26॥

प्रेम के साग विदुर घर मांगे ।
दुर्योधन के मेवा त्यागे ॥27॥
लखि प्रेम की महिमा भारी ।
नौमी श्याम दीनन हितकारी ॥28॥

भारत में पार्थ रथ हांके ।
लिये चक्र कर नहीं बल थाके ॥29॥

निज गीता के ज्ञान सुनाई ।
भगतन हृदय सुधा बरसाई ॥30॥
मीरा थी ऐसी मतवाली ।
विष पी गई बजाकर ताली ॥31॥

राणा भेजा सांप पिटारी ।
शालिग्राम बने बनवारी ॥32॥
निज माया तुम विधिहीन दिखायो ।
उर ते संशय सकल मिटायो ॥33॥

तव शत निंदा करी तत्काला ।
जीवन मुक्त भयो शिशुपाला ॥34॥
जभी द्रौपदी टेर लगाई ।
दीननाथ लाज अब जाई ॥35॥

अस अनाथ के नाथ कन्हैया ।
डूबत भंवर बचावत नैया ॥36॥
सुंदरदास आस उर धारी ।
दया दृष्टि कीजे बनवारी ॥37॥

नाथ सकल मम कुमति निवारो ।
छमो वेग अपराध हमारो ॥38॥
खोलो पट अब दर्शन दीजे ।
बोलो कृष्ण कन्हैया की जय ॥39॥

॥ दोहा ॥

यह चालीसा कृष्ण का पाठ करे उर धारी ।
अष्ट सिद्धि नव निधि फल लहे पदार्थ चारी ॥40॥



 **Temples.bio**

नीचे दिए गए यूआरएल श्री कृष्ण चालीसा का जाप करना और सुनना सीखें।

www.temples.bio/s-17